



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XVII. Quàm sit necessarium homini iusto orandi studium, ex dictis
colligitur.

[urn:nbn:de:hbz:466:1-46059](#)

*Quām sit necessarium homini iusto orandi studium,
ex dictis colligitur.*

HAEC igitur cūm ita se habeant, facilē iam quiuis intelligat, quām esse debeat homini Christiano familiare orandi studium: in quo aduersus diabolum præsidia nobis omnia sita sunt. Neque enim segnis & otiosa fides viētrix vñquam futura est, sed ea quæ humiliis, quæ perseverans, quæ firma & constans, quæ per dilectionem operans, ardenter implorat auxiliatorem Deum. Si enim sine eius adiutorio, humana succumbit infirmitas: quanta nobis necessitas indicta est, vt hoc frequenti precatione ambiamus? Ac nonnulla quidem misericordi benignitate largitur Deus, nec potentibus nec desiderantibus nobis: velut incredulis fidem; dñis & in pœnitentibus, cordis contritionem, ipsumque spiritum deprecandi. Sed quos iacentes semel erexit, capiuosq. liberauit, nisi in oratione vigilantes, non suis communis præsidijs. Nec enim vigilare sat est, cūm & habere superbia suas possit excubias: sed oratione opus est, quemadmodum habet Domini præceptum: Vigilate & orate, ne intretis in tentationem. Quo fit vt hoc remisso & languente orandi studio, facilē rursus captiuam prauis desiderijs animam, humanæ prædo salutis abducat. Neque verò accidere homini periculosis tentatio potest, quām si orare nō delectet. Etenim cūm in propinquo vigilet hostis, quoniam modo non ab illo protinus rapiatur inermis repertus, & ipso orādi fastidio detractioni præparatus? Quod periculū cūm impendere homini iusto Propheta prospexit, orando nos docuit, quid timere, & quid sæpe orare debemus. Domine Deus meus (inquit) in te speravi, saluum me fac ex omnibus persecutibus me, & libera me: nequād rapiat, vt leo, animam meam, dum non est qui redimat,

Math. 26.

Psalm. 7.

dimat, neque qui saluum faciat. Hoc etiam perfecta anima dicit, Cui solius diaboli (inquit Augustinus) *In Psalm. 7.*
 fraudulentæ insidiæ cauendæ sunt: hoc illa (in quā) anima dicit, quæ postea dicere audet: Domine Deus meus, si feci istud, si est iniq[ue]itas in manibus meis; si reddidi terribuentibus mihi mala, quippe hoc illorum est, quibus præcipitur: Estote perfecti, sicut pater vester cælestis perfectus est, qui facit Solem suum oriri super bonos & malos, & super iustos pluit & iniustos. Cur ergo tam studiosè atque solicite perfecta iam anima precatur, ut adhuc salua fiat? Nequando rapiat (inquit) ut leo, animam meam, dum non est qui redimat, neque qui saluum faciat: id est, ne rapiat, dum tu non redimis, neque saluum facis. Si enim Deus non redimat, neque saluum faciat; ille, nemine obstante, rapit. unde & alio loco quò sit configiendum ostendens, Eripe me (*in-* *Psalm. 145.* *quit*) de inimicis meis Domine, ad te configi; doce me facere voluntatem tuā, quia Deus meus es tu. Spiritus tuus bonus deducet me in terram rectam. & aliás: Do- *Psalm. 5.*
 mine deduc me in iustitia tua propter inimicos meos, ditige in conspectu tuo viam meā. & iterum: Illumina *Psalm. 12.*
 oculos meos, ne vnquam obdormiā in morte; nequando dicat inimicus meus, præualui aduersus eum. Idcirco & quotidiana, & omnibus psallendi horis frequens Ecclesiæ precatio est: Deus in adiutorium meum intende: Domine ad adiuuandum me festina. Quæ quidem & illius pientissimi ac vigilatissimi Prophetæ esse solebat oratio. Vtī & illa in eodem Psalmo: Ego vero *Psalm. 39. 6.* *69.*
 egenus & pauper sum, Deus adiuua me: Adiutor meus & liberator meus es tu, Domine ne moreris. Quanquam enim gratiâ Dei iustificatus erat, tamen naturæ imbecillitatem, vitiumque inueteratum, & diaboli circum circa stementis conatus agnoscēs, seque in ijs quæ propria sunt, ante suos oculos constituens, egenum se & pauperem, atque adiutrice Dei manu egere, confi-

retur : & usque adeo id quidem, ut nec differti patiatur auxiliū, nullas videlicet de hoste suo sperans induias. Domine, inquit, ne moreris. Ideoq. sic orādo exercitatus esse debet fidelis, ut simulatq. aliqua tētatione pulsatur, promptissimē possit ad eum recurrere, cui dicitur :

Psalm. 143.

*De Orat.
Lib. 2.*

Benedictus Dominus Deus, qui docet manus meas ad p̄c̄lūm, & digitos meos ad bellum. Alioqui quemadmodum ciuitas (ait Chrysostomus) quæ muris cincta non est, facile venit in potestatem hostium, propterea quod prorsus absit id quo fuerat hostium incursus arcendus : sic & animam non munitam precibus, diabolus facilè in suā redigit ditionem, nec multo negotio omni genere scelerum implet. Nam ad animam quidem precibus munitam, non audet propius accedere, metuens robur ac fortitudinem, quam illi deprecatio subministravit: magis vegetās animum, quam cibis vegetat corpora. Et rursum in eadem oratione : Si quis dicat, inquit, animæ neruos esse depreciationm, mea quidem sententia videbitur verum dicere. nimirum, quemadmodum corpus neruis cohæret, currit, stat, viuit, & compactum est ; adeò, vt si neruos incideris, vniuersam corporis harmoniam dissoluens, itidem animæ per sanctas preces sibi constant & compinguntur, ac pietatis cursum facile peragunt. Est igitur oratio in maximis vitæ periculis salutis causa, libertatis conseruatrix, vitæ & immortalitatis conciliatrix, animæ robur, Ecclesiae murus, qui rumpi non possit, monumentum inconcussum; dæmonibus quidem formidabile, pijs verò omnibus & necessarium omnino & salutiferum.

CAPUT XVIII.

Quantum præsidū sit in Ecclesia Christi, aduersus spiritualium nequitarum incursus.

Quemadmodum autem potest quis bene etiam omni genere armorū instructus, ab hoste

capit.